

季漢書



李漢書



季漢書卷三十三

諸暨章陶裁良氏纂

邑後學

方朝棻
馮際美

全校

漢魏臣夏侯惇夏侯淵夏侯尚列傳

夏侯惇字元讓沛國譙人夏侯嬰之後也年十四就師學人有辱其師者惇殺之曹操初起惇以裨將從征伐操行奮武將軍以惇爲司馬別屯白馬遷折衝校尉領東郡太守操攻陶謙留惇守濮陽張邈迎呂布操家在鄆城惇輕車往赴適與布遇交戰布退還遂入濮陽襲得惇車輜重遣將僞降共執持惇責以寶貨惇軍中震恐裨將韓浩乃勒兵屯惇營門召軍吏諸將皆案甲當部不得動諸營乃定遂詣惇所叱持質者尋斬之惇乃獲免操自徐州還惇

從擊呂布爲流矢所中傷左目時夏侯淵與惇俱爲將軍
軍中號惇爲盲夏侯惇惡之每照鏡恚怒輒撲鏡於地尋
領陳留濟陰太守加建武將軍封高安鄉侯時大旱蝗蟲
起惇乃斷太壽水作陂身自負土率將士勸種稻民賴其
利轉領河南尹操平河北爲大將軍後拒鄴破之遷伏波
將軍領尹如故建安十二年錄惇前後功增封邑千八百
戶并前二千五百戶二十一年從擊孫權還使惇都督二
十六軍留居巢賜伎樂名倡令曰魏絳以和戎之功猶受
金石之樂況將軍乎二十四年操軍於摩陂召惇常與同
載特見親重出入臥內諸將莫得比也拜前將軍時諸將
皆受魏官號惇獨漢官乃上疏自陳不當不臣之禮操曰

吾聞太上師臣其次友臣夫臣者貴德之人也區區之魏而臣足以屈君乎惇固請乃拜前將軍也督諸軍還壽春徙屯召陵曹丕襲位拜惇大將軍數月卒諡曰忠侯子充嗣丕追思惇功欲使子孫畢侯分惇邑千戶賜其子七孫二人爵皆關內侯惇弟廉及子楙自封列侯楙字子林惇中子也不少與親善及襲位以爲安西將軍持節繼夏侯淵都督關中楙性無武略而好治生歆太和二年人有白楙者遂召還爲尙書楙妻操女卽僞清河公主也楙在西時多畜伎妾曹氏由此與楙不和其後羣弟不遵禮度楙數切責弟懼見治乃共構楙以誹謗曹氏奏之歆因收楙意欲殺之以問長水校尉京兆段熲熲答曰此必清河公

主與楸不睦出于譖構冀不推實耳且伏波與先帝有定天下之功宜加三思歡意解曰吾亦以爲然乃推問爲曹氏作表者果其羣弟子臧子江所構也充卒子廙嗣廙卒子邵嗣

韓浩者字元嗣河內人與沛國史渙俱以勇力顯浩至中護軍渙至中領軍皆掌禁兵封列侯

夏侯淵字妙才惇族弟也曹操居家有縣官事淵代引重罪操營救之得免時充豫大亂淵以飢乏棄其幼子而活亡弟孤女操起兵以別部司馬騎都尉從遷陳留潁川太守及與袁紹戰於官渡行督軍校尉紹破使督充豫徐州軍糧時軍食少淵傳饋相繼軍以復振昌豨反遣于禁擊

之未拔復遣淵與禁并力遂擊豨降其十餘屯豨詣禁降
淵還拜典軍校尉濟南樂安黃巾徐和司馬俱等攻城殺
長吏淵將泰山齊平原郡兵擊破之斬和平諸縣收其糧
穀以給軍士建安十四年以淵爲行領軍操攻孫權還使
淵督諸將擊廬江叛者雷緒緒破又行征西護軍督徐晃
擊太原賊攻下二十餘屯斬賊帥商曜屠其城從攻韓遂
等戰於渭南又督朱靈平隃麋汧氏與操會安定降楊秋
十七年操還鄴以淵行護軍將軍督朱靈路招等屯長安
擊破南山賊劉雄降其衆圍遂超將梁興於鄠拔之斬興
封博昌亭侯馬超圍涼州刺史韋康於冀淵救康去冀二
百餘里超逆戰淵敗會汧氏反淵引軍還十九年趙衢尹

奉等謀攻超姜敘起兵鹵城以應之衢等譎說超使出擊敘衢於冀城中殺超妻子超奔漢中還圍祁山敘等急求救諸將議欲須操節度淵曰公在鄴反覆四千里比報敘等必敗非救急也遂行使張郃督步騎五千在前從陳倉狹道入淵自督軍在後郃至渭水上超將氐羌數千逆郃未戰超尋退郃進軍收超軍器械淵至諸縣皆已降韓遂在顯親淵欲襲取之遂走淵收遂軍糧追至略陽城去遂二十餘里諸將欲攻之或言當攻興國氐淵以爲遂兵精興國城固攻不可卒拔不如擊長離諸羌長離諸羌多在遂軍必歸救其家若羌獨守則孤救長離則官軍得與野戰可必虜也淵乃留督將守輜重輕兵步騎至長離攻燒

羌屯斬獲甚衆諸羌在遂軍者各還種落遂果救長離與
淵軍對陣諸將見遂衆惡之欲結營作塹乃與戰淵曰我
轉鬪千里今復作營塹則士衆罷弊不可久賊雖衆易與
耳乃鼓之大破遂軍得其旌麾還略陽進軍圍興國氏王
千萬逃奔馬超餘衆降轉擊高平屠各皆散走收其糧穀
牛馬乃假淵節使帥諸將討宋建建隴西人因涼州亂據
之自號河首平漢王違拒朝命操乃使淵討之淵至圍枹
罕月餘斬建及所置丞相已下淵別遣張郃等平河關渡
河入小湟中河西諸羌盡降隴右平操下令曰宋建造爲
亂逆三十餘年淵一舉滅之虎步關右所向無前仲尼有
言吾與爾不如也二十一年增封三百戶并前八百戶還

擊武都氏羌下辯收氏穀十餘萬斛操西征張魯淵將涼
州諸將侯王已下與操會休亭操每引見羌胡以淵畏之
會魯降漢中平以淵行都護將軍督徐晃等窺巴郡操還
鄴留淵守漢中拜征西將軍二十三年昭烈經略漢中軍
陽平關淵率諸將逆拒次年正月昭烈督軍夜燒其圍鹿
角淵使張郃護東圍自將輕兵護南圍昭烈督戰郃敗淵
分所將兵助郃爲昭烈所破淵遂授首諡曰愍侯初淵雖
數戰勝操常戒之曰爲將當有怯弱時不可但恃勇也將
以勇爲本行之以智計但知任勇一匹夫敵耳淵妻操內
妹長子衡娶操弟海陽侯女恩寵特隆衡襲爵轉封安寧
亭侯衡卒子續嗣爲虎賁中郎將續卒子襲嗣衡弟霸不

黃初中賜爵關內侯後歸漢霸弟稱

稱字叔權自孺子時聚童兒戲必爲軍旅戰陣之事有違者輒嚴以鞭捶衆莫敢逆淵陰奇之使讀項羽傳及兵書不肯曰能則自爲耳安能學人年十六淵與之田見奔虎稱驅馬逐之禁之不可一箭而倒名聞於操操把其手喜曰我得汝矣與曹丕爲布衣之交每讌會氣陵一坐辯士不能屈世之高名者多從之游年十八卒稱弟威字季權官兗州刺史威弟榮

榮字幼權幼聰惠七歲能屬文誦書日千言經目輒識之不聞而請焉賓客百餘人人一奏刺悉書其鄉邑名氏世所謂爵里刺也客示之一寓目使之遍談不謬一人丕深

奇之漢中之敗榮年十三左右提之走不肯曰君親在難
焉所逃死乃奮劍而戰遂陣沒榮弟惠字稚權幼以才學
見稱善屬奏議歷散騎黃門侍郎與鍾毓數有辨駁事多
見從遷燕相樂安太守惠弟和字義權河南尹

夏侯尚字伯仁淵從子也有籌畫智略曹丕器之與爲布
衣之交曹操據冀州尚爲軍司馬將騎從征伐後爲五官
將文學魏國初建遷黃門侍郎代郡胡叛遣鄢陵侯曹彰
討之以尚參軍事定代地還操薨於洛陽尚持節奉喪還
鄴并錄前後功封平陵亭侯拜散騎常侍遷中領軍曹丕
稱帝更封平陵鄉侯遷征南將軍領荊州刺史假節都督
南方諸軍尚奏漢別軍在上庸山道險難彼不我虞若以

奇兵潛行出其不意則獨克之勢也遂率諸軍襲擊上庸
陷三郡九縣遷征南大將軍吳雖和好尚益修攻戰之備
後吳臨江拒守不詣宛擊吳使尚率諸軍與曹真共圍江
陵吳將諸葛瑾與尚對江瑾渡入江中渚而分水軍於江
中尚夜多持油船將步騎萬餘人於下流潛渡攻瑾諸軍
夾江燒其舟船水陸並攻破之城未拔會大疫丕勅尚引
軍還益封六百戶并前千九百戶假節鉞進爲牧荊州荒
殘與吳阻漢水舊民多居江南尚自上庸通道西行七百
餘里山民蠻夷多服從者五六年間降附數千家五年徙
封昌陸鄉侯尚有妾嬖幸寵奪嫡室嫡室曹氏女也不故
遣人絞殺之尚悲感發病恍惚旣葬埋妾不勝思見復出

視之不聞而恚之曰杜襲之輕薄尚良有以也六年尚疾
篤還都不數臨幸執手涕泣卒諡曰悼侯子元嗣又分尚
三百戶賜尚弟子奉爵關內侯後元坐事死夷三族髦正
元中紹功臣世封尚從孫本爲昌陵亭侯邑三百戶以奉
尚祀

季漢書卷三十四

諸暨章陶栽良氏纂

邑後學

陳殿鳳
孟錦章全校

漢魏臣邴原袁渙張範涼茂國淵列傳

邴原字根矩北海朱虛人也年十一喪父而家貧鄰有書舍原過之而泣其師問曰童子何悲原曰孤者易傷貧者易感夫書者必皆具有父兄一羨其不孤一羨其得學是以心中惻然而涕零也師哀其志曰欲學可耳答曰無資師曰童子苟有志我徒相教不求資也於是遂就學一冬之間誦孝經論語在童亂之中嶷然有異及長遠遊學詣安邱孫崧崧辭曰君鄉里鄭君亦知之乎原答曰然崧曰鄭君學覽古今博聞強識鈞深致遠誠學者之師模也君

乃舍之躡屣千里所謂以鄭爲東家某者也君似不知而然者何原曰先生之說誠然矣猶未達僕之微趣也人各有志所規不同故乃有登山而求玉者有入海而採珠者豈可謂登山者不知海之深入海者不知山之高哉君謂僕以鄭爲東家某君以僕爲西家愚夫邪崧辭謝焉又曰充豫之士吾多所識未有若君者當以書相分原重其意持書而別至陳留則師韓子助潁川宗陳仲弓汝南則交范孟博涿郡則親廬子幹原舊能飲酒行後八九年不復飲臨別師友以原不飲酒會米肉送原原曰本能飲酒但以荒思廢業故斷之耳今當遠別因見貺餞可一飲燕乃共坐飲酒終日不醉歸以書還孫崧解不致書之意由是

顯名與管寧俱以操尚稱郡召署功曹時魯國孔融在郡
教選計當任公卿之才乃以鄭元爲計掾彭璆爲計吏原
爲計佐融有所愛一人常盛嗟嘆之後恚望欲殺之朝吏
皆請時其人亦在坐叩頭流血而融意不解原獨不爲請
融謂原曰衆皆請而君獨不原曰明府于某本不薄也常
言歲終當舉之此所謂吾一子也如是朝吏受恩未有在
某前者矣而今乃欲殺之明府愛之則引而方之於子憎
之則推之欲危其身原愚不知明府以何愛之以何惡之
融曰某生於微門吾成就其兄弟拔擢而用之某今孤負
恩施夫善則進之惡則誅之固君道也往者應仲遠爲泰
山太守舉一孝廉旬月之間而殺之夫君人者厚薄何常